

Visoki predstavnik poduzeo korake ka normalizaciji pravnog statusa smijenjenih pojedinaca

Visoki predstavnik, Christian Schwarz-Schilling, danas je donio odluku koja se bavi pravnim statusom pojedinaca koje je smijenio prethodni visoki predstavnik – sa izuzetkom onih koji su smijenjeni zbog nesaradnje sa Haškim tribunalom.

Današnja odluka omogućava smijenjenim zvaničnicima da se prijave za i obavljaju funkcije u javnim preduzećima i javnim ustanovama kao što su bolnice ili druge institucije na koje se ne odnose zakoni koji uređuju državnu službu ali se one djelimično ili u potpunosti finansiraju iz budžeta nekog od nivoa vlasti u Bosni i Hercegovini.

Današnja odluka se *ne* odnosi na direktno ili indirektno birane funkcije u zakonodavnim tijelima na nekom od nivoa vlasti, niti na savjetodavne položaje pri pomenutim funkcijama. Također se ne odnosi ni na funkcije u sektoru bezbjednosti ili rukovodeće funkcije u državnoj službi.

Ova odluka pomenutim osobama ne daje *automatsko pravo* na funkcije koje su obavljale u prošlosti.

Današnja odluka dio je dvosmjernog procesa uređivanja pravnog statusa smijenjenih osoba, kojeg je visoki predstavnik najavio 21. marta.

Tada je smijenjenim osobama omogućeno da se obrate OHR-u kako bi se odluke o njihovim smjenama ukinule. Potom će se svaki slučaj pojedinačno razmatrati..

Istovremeno, visoki predstavnik je najavio i šire ukidanje

zabrana u pojedinačnim sektorima društva i to kroz nekoliko faza. Današnja odluka je prva koja se rukovodi ovim "sektorskim" pristupom. Potonje odluke koje pokrivaju dalje kategorije funkcija zavisice od niza faktora, između ostalog i od napretka koji BiH bude postigla u euroatlanskim integracijama.

Iako su smjene igrale važnu ulogu kada je Bosni i Hercegovini trebalo pomoći da posljedice rata ostavi iza sebe, postalo je jasno da je njihova neophodnost sve manja kako se ova zemlja približava euroatlanskim integracijama. Također, važno je riješiti pravni status smijenjenih zvaničnika prije zatvaranja OHR-a.